




Bosna i Hercegovina
Federacija Bosne i Hercegovine
Tuzlanski kanton
Ministarstvo unutrašnjih poslova
Uprava policije
Tuzla



Broj: 08-06/1-3-03.2-3-566/25
Tuzla, 07.11.2025. godine

Na osnovu člana 200. Zakona o upravnom postupku ("Službene novine FBiH", broj: 2/98 i 48/99 i 61/22), člana 14. Zakona o slobodi pristupa informacijama Federacije Bosne i Hercegovine ("Službene novine FBiH", broj: 32/01 i 48/11), člana 8. istog Zakona, a u vezi sa članom 7. stav 1. tačka b) i članom 8. stav 1. Zakona o zaštiti ličnih podataka Bosne i Hercegovine (Službeni glasnik BiH, broj 12/25), rješavajući po zahtjevu Udruženju građana „Ne diskriminacija ne mobing“ iz Tuzle, Uprava policije donosi:

RJEŠENJE

ODOBRAVA SE djelimično Udruženju građana „Ne diskriminacija ne mobing“ iz Tuzle, (u daljem tekstu UG „NDNM“) ul. Maršala Tita do broja 34, pristup informacijama koje posjeduje Uprava policije Ministarstva unutrašnjih poslova Tuzlanskog kantona.

- I. Potvrđuje se** da su policijski službenici PU Tuzla/PS Zapad, u periodu od 30.09.2024. godine pa do 30.09.2025. godine, po prijavama UG „NDNM“ i prijavama građana, te po službenoj dužnosti, u ul. Mustafe Hukića u Tuzli, zbog nepropisnog parkiranja odnosno utvrđenih prekršaja iz člana 130. stav 4. Zakona o osnovama bezbjednosti saobraćaja na putevima u BiH, a u vezi sa članom 238. stav 1. tačka 36. istog Zakona, postupali u 17 navrata, i to: 16.12.2024. godine, 10.04.2025. godine, 11.05.2025.godine, 29.05.2025.godine, 30.05.2025.godine, 03.06.2025.godine, 23.06.2025.godine, 11.07.2025.godine, 23.07.2025.godine, 24.07.2025.godine, 28.07.2025.godine, 30.07.2025.godine, 31.07.2025.godine, 11.09.2025.godine, 16.09.2025.godine i 17.09.2025.godine, u vezi čega je vozačima zatečenim da su upravljali vozilima kojima je počinjen navedeni prekršaj uručeno 63 (šezedesttri) prekršajna naloga, dok je u 33 slučaja uočenih prekršaja izdato 33 (tridesettri) obavijesti o učinjenom prekršaju, a radi asistencije prilikom obezbijedenja nesmetanog odvijanja saobraćaja u 28 (dvadesetosam) slučajeva angažovano je specijalno vozilo za izmještanje tzv. „Pauk“
- II. Odbija se** zahtjev u dijelu koji se odnosi na dostavljanje (ili uvid) službenih zabilješki ili drugih zapisnika i dokumentacije a u vezi postupanja policijskih službenika u konkretnim slučajevima poduzimanja službenih radnji u Ul. Mustafe Hukićau periodu 30.09.2024 - 30.09.2025.godine, iz razloga utvrđenih izuzetaka, odnosno u interesu zaštite privatnosti trećih lica, jer zahtjevom nije jasno navedena svrha zbog koje se podaci traže i jer tražena dokumentacija sadrži podatke trećih lica a nadležni organ ne raspolaže dokazima koji bi omogućili zakonitost obrade podataka.

O b r a z l o ž e n j e

Uprava policije MUP TK-a je, zaprimila je zahtjev za pristup informacijama Udruženja građana „Ne diskriminacija ne mobing“ iz Tuzle, (u daljem tekstu UG „NDNM“) ul. Maršala Tita do broja 34, Tuzla, kojim se shodno odredbama Zakona o slobodi pristupa informacijama F BiH traže slijedeće informacije: koliko puta su ovlaštena službena lica intervenisala po prijavama UG „NDNM“ i po prijavama drugih građana naseljenih u ul. Mustafe Hukića u Tuzli u periodu od 30.09.2024. godine do 30.09.2025. godine, datum i vrijeme intervencije, opis zatečenog stanja, koje su mjere poduzete od strane službenih lica, te se traži i druga dokumentacija: ukoliko su sačinjene službene zabilješke ili drugi zapisnici (ili uvid u istu). U potpisu zahtjeva je predsjednik udruženja Hamza Pašalić.

Nakon izvršenog uvida u sadržaj zahtjeva, preduzete su sve potrebne radnje u cilju pribavljanja informacija i dokumentacije, te je pribavljena Informacija PU Tuzla/PS Zapadsa priložima: Prekršajni nalozi, kopija učesnika u saobraćaju evidentiranih u Upisniku izdatih obavijesti o učinjenom prekršaju i kopija evidencije korištenja specijalnog vozila tzv. „Pauk“, sve za period 30.09.2024-30.09.2025. godine.

Uvidom u dostavljenu informaciju sa dokumentacijom utvrđeno je da su u ispunjeni formalni uslovi propisani članom 11. Zakona o slobodi pristupa informacijama u Federaciji Bosne i Hercegovine, te da u jednom dijelu ne postoje razlozi za uskraćivanje pružanja tražene informacije u smislu odredaba člana 6., 7. i 8. Zakona o slobodi pristupa informacijama u FBiH. Shodno tome, dostavljaju se slijedeće tražene informacije:

Policijski službenici PU Tuzla/PS Zapad su u ul. Mustafe Hukića u Tuzli, u periodu od 30.09.2024. godine pa do 30.09.2025. godine, postupali po prijavama UG „NDNM“, prijavama građana, te po službenoj dužnosti, gdje je prilikom intervencije u svim slučajevima evidentiranih prekršaja, uočeno nepropisno parkiranje vozila na mjestima gdje je saobraćajnim znakom propisana zabrana zaustavljanja i parkiranja, odnosno prekršaji iz člana 130. stav 4. Zakona o osnovama bezbjednosti saobraćaja a u vezi sa članom 238. stav 1. tačka 36. istog Zakona. S tim u vezi, policijski službenici PSZapad su postupali u 17 (sedamnaest) navrata i to:

16.12.2024.godine, 10.04.2025.godine, 11.05.2025.godine, 29.05.2025.godine, 30.05.2025.godine, 03.06.2025.godine, 23.06.2025.godine, 11.07.2025.godine, 23.07.2025.godine, 24.07.2025.godine, 28.07.2025.godine, 30.07.2025.godine, 31.07.2025.godine, 11.09.2025.godine, 16.09.2025.godine i 17.09.2025.godine, u vezi čega je vozačima zatečenim da su upravljali vozilima kojima je počinjen navedeni prekršaj uručeno 63 (šezdesettri) prekršajna naloga, dok je u 33 slučaja uočenih prekršaja izdato 33 (tridesettri) obavijesti o učinjenom prekršaju, a radi asistencije prilikom obezbijeđenja nesmetanog odvijanja saobraćaja, u 28 (dvadesetosam) slučajeva angažovano je specijalno vozilo za izmještanje tzv. „Pauk“

U dijelu zahtjeva koji se odnosi na dostavljanje službenih zabilješki, zapisnika i druge dokumentacije odnosno uvida u isto, zahtjev podnosioca se odbija, iz razloga utvrđenih izuzetaka, odnosno u interesu zaštite privatnosti trećih lica, jer zahtjevom nije jasno navedena svrha zbog koje se podaci traže i jer tražena dokumentacija sadrži podatke trećih lica a nadležni organ ne raspolaže dokazima koji bi omogućili zakonitost obrade njihovih ličnih podataka.

Naime, uvidom u dostavljenu dokumentaciju PS Zapad, izdate Prekršajne naloge, izvod iz Evidencije izdatih obavijesti o učinjenom prekršaju i evidenciju angažovanja specijalnog vozila „Pauk“ za traženi period, utvrđeno je da ta dokumentacija sadrži lične podatke trećih lica za koje ovaj organ ne raspolaže saglasnostima tih lica niti je ispunjen bilo koji uslov za zakonitu obradu ličnih podataka, kako je to propisano članom 8. stav 1. Zakona o zaštiti ličnih podataka BiH.

Nadalje, članom 53. Zakona o zaštiti ličnih podataka BiH propisano je da se odredbe ovog zakona uzimaju u obzir prilikom primjene Zakona o slobodi pristupa informacijama F BiH, te valja postupiti po istom, a budući da je uvidom u sadržaj zahtjeva utvrđeno da podnosilac u svom zahtjevu ne navodi svrhu traženja informacije i dokumentacije, te da nije dostavljen dokaz o postojanju svrhe za korištenje ličnih podataka trećih lica koji su sadržani u traženoj dokumentaciji, a takođe iz zahtjeva proizilazi da nije ispunjen niti jedan uslov za zakonitu obradu ličnih podataka, pa se isto uzima u obzir prilikom odlučivanja po zahtjevu.

Pravni osnov za davanje ličnih podataka može biti, prije svega utvrđen javni interes, zakonom utvrđena nadležnost ili zakoniti interes treće strane, te saglasnost nosilaca ličnih podataka, a tražene informacije je moguće dostaviti po traženju nadležnog suda ili tužilaštva, nakon pokretanja postupka pred sudom ili istrage tužilaštva, na prijedlog stranaka u postupku, ukoliko nadležni organ cijeni da je iste potrebno pribaviti.

Shodno svemu navedenom, u ovom dijelu zahtjeva utvrđuju se izuzeci u smislu člana 8. Zakona o slobodi pristupa informacijama F BiH a u vezi sa članom 7. stav 1. tačka b) i članom 8. stav 1. Zakona o zaštiti ličnih podataka BiH, obzirom da iz navedenog proizilazi da je ovaj organ cijeneći dokumentaciju iz konkretnog spisa utvrdio izuzetke, u smislu da bi saopćavanje određenih informacija iz spisa ili dostavljanje (ili uvid) određene dokumentacije moglo prouzrokovati štetu trećim licima iz razloga što predmetna dokumentacija sadrži lične podatke i zadire u lične interese trećih lica i njihovo pravo na privatnost, te jer bi obrada podataka bez jasne svrhe ili bez saglasnosti nosioca podataka, kao i

drugih potrebnih uslova za zakonitu obradu ličnih podataka, a koja nije u javnom interesu, u konkretnom slučaju bila nezakonita.

Postupajući po predmetnom podnesku, u skladu sa članom 14. Zakona o slobodi pristupa informacijama u FBiH ("Službene novine FBiH", broj: 32/01 i 48/11), članom 8. istog Zakona a u vezi sa članom 7. stav 1. tačka b) i članom 8. stav 1. Zakona o zaštiti ličnih podataka Bosne i Hercegovine, razmotrene su sve činjenice i okolnosti od značaja za rješavanje zahtjeva iz istog, a obzirom da tražene informacije uključuju podatke čije bi davanje bez jasno određene svrhe i saglasnosti nosilaca podataka mogle prouzrokovati štetu za treća lica čija bi privatnost bila ugrožena, to je na osnovu izloženog, riješeno kao u dispozitivu rješenja.

Na osnovu člana 16. stav (1) Zakona o slobodi pristupa informacijama u FBiH („Službene novine FBiH“, broj: 32/01 i 48/11). Uprava policije MUP TK-a. ne naplaćuje naknadu ili takse za podnošenje zahtjeva, rješenja ili obavještenja u smislu ovog Zakona.

Pouka o pravnom lijeku :

Protiv ovog rješenja dopušten je prigovor ministru Ministarstva unutrašnjih poslova Tuzlanskog kantona u roku od 8 dana od dana dostavljanja rješenja. Prigovor se predaje ovom Ministarstvu, a može se izjaviti i na zapisnik kod organa koji je donio rješenje, taksiran sa 10 KM administrativne takse po tarifnom broju 3. Zakona o kantonalnim administrativnim taksama ("Službene novine Tuzlanskog kantona", broj: 6/12, 15/13 i 10/18).

Dostavljeno:

1. UG „Ne diskriminacija ne mobing“, Maršala Tita do br. 34. lamela A III sprat, 75 000 Tuzla
2. a/a



**DIREKTOR
GENERALNI INSPEKTOR POLICIJE**

Dževad Korman